

**Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koga zastupa policijski komesar, Generalni inspektor policije Nusret Selimović, (u daljem tekstu Ugovorni organ)**

**HELEDI'S d.o.o., Sarajevo, Privredni grad Skenderija – Terezije bb, ID broj: 4200167520000, koju zastupa direktor Zekija Vojniković (u daljem tekstu: Dobavljač)**

**Zaključili su:**

## **UGOVOR O NABAVCI POLICIJSKIH ZNAČKI**

### **Član 1.**

Predmet ovog ugovora je nabavka policijskih znački za penzionere/umirovljenike za potrebe Uprave policije Ministarstva unutrašnjih poslova Kantona Sarajevo.

Nabavka je izvršena putem direktnog sporazuma, na osnovu odluke broj: 02-11-4-6349/21 od 17.09.2021. godine.

### **Član 2.**

Izgled policijske značke iz člana 1. ugovora utvrđen je Uredbom o policijskoj znački i službenoj iskaznici policijskih službenika Ministarstva unutrašnjih poslova Kantona Sarajevo („Službene novine KS“, broj: 29/07).

Ugovorni organ je izvršio pripremu policijskih znački na osnovu koje će se izvršiti izrada.

Navedena priprema će biti dostavljena Dobavljaču odmah nakon obostranog potpisivanja ugovora.

Ugovorne strane su se sporazumjele da kupoprodaja iz člana 1. ugovora obuhvata sve elemente navedene u ponudi Dobavljača broj: 89/21 od 08.12.2021. godine. Ugovor se zaključuje u skladu sa odredbama o izgledu policijske značke navedene Uredbe, ponudom Dobavljača i stvarnim potrebama Ugovornog organa.

Ponuda Dobavljača broj 89/21 od 08.12.2021. godine je sastavni dio ovog ugovora.

### **Član 3.**

Ukupna vrijednost predmetne nabavke iznosi do 2.581,00 (dvijehiljadepetstotinaosamdesetjedan i 00/100) KM bez PDV-a.

Cijena i ostali elementi ovog ugovora se ne mogu mijenjati.

### **Član 4.**

Dobavljač se obavezuje da će robu iz člana 1. ovog ugovora isporučiti najkasnije u roku od 15 (petnaest) dana od dana prijema narudžbenice, na adresu Ugovornog organa, Jedinica za saobraćaj, Zmaja od Bosne 9, 71000 Sarajevo.

Sve troškove isporuke do primopredaje, kao i troškove reklamacije snosi Dobavljač.

Dobavljač se obavezuje da će odmah postupiti po eventualnim primjedbama Ugovornog organa u pogledu nedostataka na ime izvršene nabavke iz člana 1. i 2. ovog ugovora.

### **Član 5.**

Prilikom isporuke robe koja je predmet ovog ugovora, Dobavljač je dužan dostaviti otpremnicu za isporučenu robu (po vrsti i količini) u dva primjerka, koja je uredno ovjerena i potpisana od strane ovlaštene osobe Dobavljača. Po prijemu robe otpremnicu potpisuje i ovlaštena osoba Ugovornog organa, zadužena za prijem robe u magacinu.

O isporučenoj robi bit će sačinjen zapisnik o kvantitativnom i kvalitativnom prijemu (čiji će sastavni dio biti otpremnica). U zapisnik se unosi količina isporučene robe te evidentiraju mogući vidljivi nedostaci na istoj.

#### Član 6.

Ukoliko lice zaduženo za prijem robe konstatuje određene nedostatke u kvalitetu ili kvantitetu isporučene robe, neće se sačinjavati zapisnik o prijemu, već će se sačiniti zapisnik o reklamaciji, koji Ugovorni organ dostavlja Dobavljaču.

Dobavljač se obavezuje priznati reklamaciju na kvantitet i kvalitet isporučene robe, koja će biti praćena zapisnikom o reklamaciji, uz obavezno navođenje nedostataka isporučene robe i datuma i broja računa (otpremnice) Dobavljača kako bi se zadovoljili uslovi reklamacijskog roka. Dobavljač se obavezuje reklamiranu robu isporučiti u što kraćem roku, koji će se zapisnikom o reklamaciji utvrditi.

Roba će se smatrati uredno isporučenom kada u zapisniku o prijemu bude konstatovano "isporuka i prijem izvršeni bez primjedbi".

#### Član 7.

Plaćanje za isporučenu robu će se vršiti u roku od 30 (trideset) dana od dana uredne isporuke robe i dostavljanja fakture, na tekući račun Dobavljača broj: 1549995000424452 otvoren kod poslovne banke Intesa Sanpaolo d.d. Sarajevo.

#### Član 8.

Ukoliko Ugovorni organ ocijeni da isporučena roba nije u skladu sa datom ponudom iz člana 1. ovog ugovora, Ugovorni organ može jednostrano, bez saglasnosti Dobavljača, raskinuti ovaj ugovor.

#### Član 9.

Na sva pitanja koja nisu regulisana ovim ugovorom, primjenjivat će se odredbe Zakona o obligacionim odnosima.

#### Član 10.

Eventualno nastale sporove pri realizaciji ovog ugovora, Ugovorne strane će rješavati sporazumno.

U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.


#### Član 11.

Ovaj ugovor je zaključen kada isti potpišu obje ugovorne strane i traje do uredne realizacije ugovorenih obaveza obje ugovorne strane, a najdalje do 31.12.2021. godine.

#### Član 12.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

**DOBAVLJAČ**  
**HELEDI'S d.o.o.**  
Sarajevo

  
direktor  
Zekija Vojniković



**UGOVORNI ORGAN**  
**MUP KANTONA SARAJEVO**  
**UPRAVA POLICIJE**

  
POLICIJSKI KOMESAR  
Generalni inspektor policije  
Nusret Selimović



Broj: 89/21  
Datum: 13. 12. 2021.

Broj: 02-11-4-6349-3/21  
Datum: 09.12.2021. godine